

循化誌

清



循化誌

【29

1

社

PDG

出版说明

一、此书依据甘肃省图书馆所藏（清）嘉庆刻本翻印。刻本原为八卷本，翻印后改为合订本，卷次依旧。

二、为保持刻本原貌，翻印本的文字部分在排版形式上皆仿刻本。

三、对原刻本中明显的错漏之处，我们作了补正，并加括号予以注明。

四、在此书的翻印工作中，得到了甘肃省图书馆和青海省图书馆的大力协助与支持，在此，谨致谢意！

五、排版翻印地方史志资料，我们仅是尝试，恳望得到有关专家和同志们的批评和指正。

一九八〇年五月

循化志卷之一

閩中海峰龔景瀚編
金台星泉李本源校

建置沿革

循化厅在禹贡为雍州地

古积石山即大雪山元史所谓亦耳麻不莫刺译言腾乞里塔而误指为昆仑者
自巴颜喀喇山东来当黄河北岸绵亘三百余里有九峰甚高中峰独出冬夏
积雪百里外即望见之为西海以南诸山之冠实禹贡导河之积石山非昆仑也
番语以祖为阿木你以险恶为麻禅以冰为母孙故呼为阿木尔麻禅母孙山犹
言大冰山也在西宁边外西南五百三十余里经度西十五至十六度绵极出地
三十四度三分 水道提解
雍州南界自西倾又西历吐谷浑南至大积石自积石又西历吐谷浑南党项白
兰之北至于黑水积石在吐谷浑西南南枕析支河曲禹导河自此始则湟水之
南积石之北西倾之西其为雍州之

域无疑矣

禹导山水所行无外国地河自积石入雍域为中国河禹导河自此始沿流而下直至于龙门则金城朔方之河必不在戎翟界中可知也杜氏误以龙支之积石为禹贡之积石遂谓河湟之间自古为羌戎非中国所有雍西南境亏地广二千里轮千余里矣

禹贡惟指

按今循化城北面过河不及一里有石山连岩耸峙即水经注之唐述山唐人谓之小积石山杜佑通典误以为禹贡之积石者齐氏云小积石西十四度极三十六度计西南去大积石五百余里此以度数推之径直鸟道相距里数人行当不止此以胡氏之言考之大积石已属中国雍州之域小积石更在其内数百里其为雍州之地更可见也且厅地北与西宁接壤南与洮州岷州接壤西与西宁之贵德厅接壤大积石在贵德西南边外湟水在西宁西倾山在洮岷所谓湟水之南积石之北西倾之西厅地固在其中其为雍地无疑义矣

在殷周为羌戎地

雍州西北二边世有戎翟之患自夏桀时犬夷入居邠岐之间成汤既兴伐而攘之及殷室中衰诸夷皆叛至于武丁征西戎鬼方三年乃克及武乙暴虐犬戎寇边周古公逾梁山而避于岐下及太丁之时季历伐燕京之戎戎人大败周师文王为西伯西有昆夷之患北有玁狁之难遂攘戎翟而戍之莫不宾服厉王无道戎翟寇掠乃入犬丘杀秦仲之族宣王承厉王之后玁狁孔炽整居焦获侵镐及方至于泾阳雍州之域为戎翟所侵陵如此则其疆场未必能悉如禹贡今据周礼言之正东曰青州其南则有扬其北则有幽而西则不然自雍州以正西其西北西南两隅皆缺焉而雍之西境如西倾积石猪野流沙三危黑水之区皆没于戎翟禹贡之旧疆不可复问矣

按胡氏之言是也夏末德衰戎翟遂入中国殷周之兴但务文德不遑远略虽曰攘伐实未能复禹服之旧也考之经史泾阳太原今之平凉固原也当时已为边境自平凉以西皆秦汉之后百战得之者其初固戎翟错居之地

也内地如此口外无论矣

在秦为塞外地

按史记始皇使蒙恬筑长城起自临洮秦之临洮今岷州也今二十四关正起岷州之界由东而西而北关内为河州关外为循化皆随大山联络之势相其崖谷为之疑即其遗迹后人踵而为之者

在汉为金城郡河关县地

按汉志枹罕河关俱属金城郡而大积石山乃属之河关西南塞外是河关县为极边其又在枹罕之西可知也枹罕为今河州而循化在河州之西是为汉河关县地矣县之治所今不得其处或谓二十四关名虽非古要皆秦汉遗迹积石关下临黄河兼河与关县之取名殆以此其治所当在积石关内今俗所呼积石州之地然以水经注考之河水东径允川历大榆小榆谷北又东过陇西河关县北考汉书隴廩相曹凤上言大小榆谷土地肥美又有西海盐池之利西海即今青海是大小榆谷即在青海左右而河关县又

与大小榆谷相近今积石关距青海尚在数百里外非也且水经注河水过河关县后又历西平郡界浇河故城石城黄河城邯川城临津城白土城而始至唐述山唐述山唐人所谓小积石山今循化城北面隔河之石山是也是河关县在小积石山之西且相去甚远而今积石关乃在小积石山之东六十里是河关县治所不在积石关内也明矣以意求之当在今贵德厅之东循化厅之西下龙布诸番寨之地

其南为金城郡白石县寨外地

白石县滴水出西寨外东至枹罕入河

汉书地理志

滴水导源塞外羌中又东北径石

门口山疑即皋兰山门也汉武帝元狩三年骠骑霍去病出陇西至皋兰谓是山之关塞也滴水又东径枹罕县故城南又东北出峡北流注于河

水经注

按滴水今俗误呼为大夏河者也其水源出厅之西南蒙古界内入厅属南番哈家寨由捏贡川流入土门关入河州界经河州城之南而东出洮湖峡北注于河土门关郾注所谓石门口山也洮湖峡郾注所谓东北出峡也是

今厅属南番二十一寨皆汉白石县西塞外地也白石县以白石山得名应劭曰白石山在东盖今俗呼为太子山者也其山全体皆石故宋时又谓之露骨山十三州志云白石县在狄道县西北二百八十五里胡氏曰故城在河州西以应劭之言考之则治所在白石山之西当在今河州双城堡上下

后汉金城郡废城关改属陇西白石县省

按县属陇西故水经注称为陇西河关县白石之省当并入枹罕

在晋亦为河关县地

阎百诗曰汉河关县宣帝神爵二年置后凉吕光龙飞二年克河关凡四百五十

七年为郡县后没入吐谷浑遂不复

禹貢
惟指

按晋志金城郡五县陇西郡四县皆无河关而吕光载记书克河关临洮武始与十六国春秋同临洮武始皆当时郡县不应河关独书旧名盖晋志脱略也

晋初省惠帝复置属狄道郡 一统志

按晋志无狄道郡一统志必有所据

又为临津县地属晋兴郡

晋惠帝时张轨置后魏省 一统志

永宁中张轨为凉州刺史上表分西平界置晋兴郡统晋兴枹罕永固临津临鄯

广昌大夏遂兴罕唐左南等县 晋书地理志

河水又东径临津城北白土城南十三州志曰左南津西六十里有白土城城在

大河之北而为缘河济渡之处 水经注

州志临津城在州西北一百二十里下临河津 一统志

按今河州志无此语盖旧志也据此则临津城似即今之积石关故隋时亦

谓之临津关隋书炀帝纪大业五年自将伐吐谷浑出临津关是也然以水

经注考之河水径津城北又东会白土川水又东北会两川右合二水始至

唐述山唐述山为今厅治北之小积石山临津城当在今厅治之西而积石

关乃在厅治之东六十里非也以意求之今自循化至西宁皆由掌教坊渡口过河至西宁之甘都塘汛所谓缘河济渡也甘都堂其即古之白土城与临津县城当在今查汉大寺工以西下龙布诸寨间临津溪水疑即今保安大河也

后没於刘曜旋收复

咸和二年刘曜将刘引攻凉枹罕护军辛晏降之遂失河南之地

五年夏五月张骏因曜亡收复河南地至於狄道

十六国春秋前凉录

符坚灭凉地属秦其后为西秦所有后凉吕光取之

龙飞二年天水公延以枹罕之众攻临洮武始河关皆克之

十六国春秋后凉录

光置浇河郡

在河州西归德所东古西羌所居后汉延熹中烧当等八种羌为寇段颎击破之

遂定其地东晋时吕光置浇河郡

一筑志

按光之置郡不知何年晋书及十六国春秋皆不载光虽克河关其师旋败

归於姑臧疑未必能有是地故胡氏以浇河郡为南凉所置然考十六国春秋南凉录太初二年浇河太守王稚以郡降是浇河之名前固有之矣一统志得之河关浇河据水经注皆在黄河之南河关之名此后不见于史而浇河独传盖即一地而光改河关县为浇河郡耳故水经叙河水过河关县而酈注但叙其径浇河故城当道元时并无河关故城知为一地也

河水又东迳浇河故城北有二城东西角倚东北去西平二百二十里

水经注

南凉秃发乌孤以河南地为浇河郡治此城唐于此复置浇河郡其东为积石

军

禹贡
惟指

按（原文作「接」——编者）郡以水名而水经注不载是水惟有济川水

水西南出滥洩东北流入大谷渭之大谷水北径浇河城西南北流注于河当浇水之别名胡氏改水经文洮水为浇水固误全氏祖望讥之是也而谓非别有浇水亦误

又按西平故城今西宁府治也贵德循化皆在黄河之南循化至西宁三百

里贵德至西宁二百里然贵德在西宁西南循化在西宁之南今云东北去

西平是浇河故城当在今贵德境内而循化则其所辖也

旋为南凉秃发乌孤所取

太初二年冬十月乐都太守田瑶湟河太守张稠浇河太守王稚皆以郡降

三年乌孤徙治乐都遣叔父若留镇浇河

十六国春秋南凉录

隆安初为南凉秃发乌孤所取

一统志

按秃发乌孤于晋安帝隆安元年改元太初太初二年安帝隆安之二年也

乌孤进击羌酋梁飢大破之饥单骑奔浇河遂降三郡是浇河当时已不属

后凉盖吕光置郡未久已为羌戎所有矣

中间入于吐谷浑

永康二年春三月炽磐遣龙骧将军智达平东将军王松寿讨吐谷浑树洛于于

浇河大破之获其将呼那乌提虜三千余户而还

十六国春秋西秦录

按西秦乞伏炽磐永康二年晋安帝之义熙九年也其次年南凉始灭据此

則傳檀未降澆河之地已早為吐谷渾有矣

西秦乞伏炽磐复取之

永康六年春二月遣安东将军木奕干率骑五千讨吐谷渾樹洛于於塞上樹洛

于奔保白兰山

建宏七年徙其境内老弱畜产於澆河及莫河仍寒川

十六国春秋西秦录

按永康六年晋安帝之义熙十三年建宏七年宋文帝之元嘉三年也据此则吐谷渾退保白兰而澆河为西秦之地故得徙其国中老弱於此也

暮末东迁地复入吐谷渾

永宏三年暮末为河西王蒙逊所逼东如上邽其故地皆入於吐谷渾

十六国春秋西秦录

为南凉秃发乌孤所取后入吐谷渾

一统志

按永宏三年宋文帝之元嘉七年也据此则澆河之地中间又为西秦所有
一统志谓南凉取后即入吐谷渾盖考之未详

宋少帝景平中拜吐谷渾河豺为安西将军澆河公即此城也

水经注

终元魏之世

按魏书地形志无浇河郡知此地在魏世属吐谷浑也然吐谷浑传高宗时定阳侯曹安表曰臣昔为浇河戍将与之相近又云拾寅部落大饥屡寇浇河盖世祖时遣晋王伏罗率诸将讨之慕利延走白兰浇河之地中间又尝入魏矣而志不载魏收之略也又西魏亦置浇河郡见隋志在化隆县为今西宁县境别为一地非此浇河也

按西宁府志魏伯县为化隆县地

后周逐吐谷浑置洮河郡洮河县为廓州总管府治

浇河郡后周武帝逐吐谷浑以置廓州总管府开皇初府废治河津县后周置洮河郡领洮河广威安戎三县开皇初郡废并三县入焉大业初置浇河郡

隋书地理志

按此则后周之洮河县即隋之河津县前此之浇河城也洮河郡廓州皆始此至隋则郡复古名县改名河津非二地也地去洮水尚远而郡县皆以此名者全氏祖望所谓河关一带之水通名洮河为得之今保安左右尚有地名洮河岸者亦其遗也三县大抵在黄河之南元和志谓之河南地是也皆

今贵德循化二厅境内安戎不可考广威即水经注之广违城所谓河水又东北径广违城北全氏曰广违即广威音同字异宇文盖取此城以名县是也当在今贵德东界近循化处元魏时别有广威县在今西宁县东南境在黄河之北非此广威也

秃发乌孤以河南地为浇河郡后周建德五年於今州理西南达化县界浇河故城置廓州盖以开廓边境为义

元和郡县志

浇河城亦谓之故廓州城在达化县西一百二十里故老传云赵充国所筑或云

吐谷浑旧城

太平寰宇记

按廓州亦有二唐之廓州治化隆县为今西宁县东南境后周之廓州治故浇河城为今循化西界贵德东界一在黄河之北一在黄河之南元和志所谓今州理唐之廓州也叙次晓然新旧唐书二志俱未分明

隋废州复郡名浇河改洮河县为河津

浇河郡统县二户二千二百四十

河津大业初置浇河郡有滥水

隋书地理志

按隋合周之洮河广威安戎三县为河津一县其地即汉之河关县晋之临津县故地也取名或以此欤洮河郡于开皇初废而大业初始置浇河郡未置之先河津不知何属滥水当即水经注之济川水以其出于滥湊故亦谓之滥水然则济川水之为浇水益信矣又按隋大业二年平吐谷浑于赤水城置河源郡以境内有积石山名积石之名遂移于塞内后世误以小积石为禹贡积石者自此始唐仪凤二年改置河源军在鄯州西一百二十里鄯州今西宁府是其地在河北与循化河南之地无涉

唐废河津县置米州及米川县州旋废属河州

米川县本前凉张大锡于此置邯川戍后魏孝昌二年于戍城置广威县贞观十年于本县东一百二十里黄河南岸置米川县属河州永徽六年移于河北属廓

州

元和郡县志

米川县本汉枹罕县地属金城郡唐贞观五年于此置米州及米川县因米川水

为名十年罢米州以县属河州今又属廓州米川水源出县东南小米川北流入

河

太平寰宇记

按米川水当即济川水以音相近而讹唐之米川县即隋之河津县也隋浇河郡治河津县唐改郡为廓州移其治于化隆县而河津县废贞观中乃因其故地置米州及米川县此详考诸志蛛丝马迹可寻而知者也新旧唐书二志皆以为唐之廓州宁塞郡即隋浇河郡不知治所不一且唐廓州所治之化隆乃隋西平郡所属县而于米川亦不详其沿革本末甚矣地理之难言也

米川汉枹罕县地属金城郡贞观五年置米州及米川县十年州废县属廓

州

旧唐书地理志

米川下贞观五年置又以县置米州十年州废属河州永徽六年属廓州

新唐书地理志

米川废县在河州西归德所东本汉枹罕县地唐贞观五年于此置米州及米川

县贞观十年州废属河州永徽六年移于河北改属廓州此城遂废

一统志